

Richard Wagner félagið á Íslandi

Vesturgötu 36B-101 Reykjavík-sími 5517292-fax 5516592

Fréttabréf í apríl 2000

Parsifal í Norræna húsinu 24. apríl

Mánudaginn annan í páskum kl. 14.00 verður sýnd óvenjuleg útgáfa af Parsifal í Norræna húsinu. Um er að ræða 90 mínútna bíómynd Tony Palmers, sem ber heitið **Parsifal - The Search for the Grail**. Í myndinni leiðir sögumaður (Placido Domingo) okkur í gegnum söguna um Parsifal með brotum úr óperunni sem tekin eru upp í Ravello á Ítalíu. Í aðalhlutverkum eru m.a. Domingo og Salminen. Myndin leitast við að varpa ljósi á mikilvægi gralsins í 2000 ár og inn í hana tvinnast samtöl við ýmsa þekktu fræðimenn um Wagner og guðfræði. Auk þess er leitað að hliðstæðum Parsifals í kvikmyndasögunni, m.a. með tilvísun til kvikmynda Stevens Spielberg og Ingmars Bergman. Reynt er einnig að skýra hvað vakti fyrir Wagner sjálfum með Parsifal og brugðið upp brotum úr ævisögulegri kvikmynd Palmers um Wagner, sem sýnd var á vegum félagsins síðastliðið ár.

Frá aðalfundi félagsins 26. mars sl.

Á aðalfundi félagsins, sem haldinn var í Norræna húsinu 7/2 var Halldór Halldórsson kjörinn nýr í stjórn félagsins í stað Jóhannesar Jónassonar sem lést í september sl. Að öðru leyti var stjórnin endurkjörin til næstu tveggja ára og er þannig skipuð:

Selma Guðmundsdóttir formaður
Jóhann J. Ólafsson varaformaður
Jón Ragnar Höskuldsson gjaldkeri
Halldór Halldórsson ritari
Sólrún Jensdóttir meðstjórnandi


Varastjórn: Árni Björnsson
Árni Tómas Ragnarsson
Gretar Ívarsson.

Endurskoðendur: Helga Ingólfssdóttir og Guðjón Magnússon,
til vara Guðrún Nordal.

Skýrsla formanns, sem flutt var á fundinum fylgir bréfi þessu. Fjárhagsstaða félagsins gæti verið betri og var ákveðið að hækka félagsgjöld einstaklings í 1500 en hjóna í 2000. Gíróseðlar fylgja. Vinsamlegast greiðið um næstu mánaðamót.

Enn er óráðstafað af Bayreuthmiðunum tveim miðum á Lohengrin 5. ágúst og tveim á Parsifal 7. ágúst. Áhugasamir hafið samband hið fyrsta.

Fyrir hönd stjórnarinnar
með kærri kveðju


Selma Guðmundsdóttir formaður